



**Broj: 12-11-15-622/22**  
**Sarajevo, 28. 2. 2022. godine**

Na osnovu člana 69. stav (2) tačka d), člana 70. Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku kancelarijskog materijala za potrebe Ureda za reviziju institucija u Federaciji BiH za budžetsku 2022. godinu (obavještenje o nabavci broj: 296-7-1-10-3-4/22, objavljeno na Portalu javnih nabavki 19. 1. 2022. godine) date u Zapisniku o pregledu i ocjeni ponuda, broj: 12-11-15-3363-10/21 od 21. 2. 2022. godine, generalni revizor donosi

## **ODLUKU**

### **o poništenju postupka javne nabavke kancelarijskog materijala**

I

U postupku javne nabavke kancelarijskog materijala za potrebe Ureda za reviziju institucija u Federaciji Bosne i Hercegovine za budžetsku 2022. godinu putem konkurentskog zahtjeva za dostavu ponuda, Ugovorni organ donio je odluku o poništenju postupka javne nabavke za Lot 1, Lot 2 i Lot 3 iz razloga što nijedna od primljenih ponuda nije prihvatljiva.

II

Ova odluka će se dostaviti svim ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja.

## **Obrazloženje**

Ured za reviziju institucija u Federaciji Bosne i Hercegovine (u daljem tekstu: Ugovorni organ), u skladu s odredbama Zakona o javnim nabavkama („Službeni glasnik BiH“, broj 39/14) i Odlukom broj: 12-11-15-3363/21 od 21. 12. 2021. godine, pokrenuo je postupak za javnu nabavku kancelarijskog materijala putem konkurentskog zahtjeva za dostavu ponuda (predmet javne nabavke podijeljen prema lotovima: LOT 1 – Obrasci i papiri, LOT 2 – Administrativni materijal i LOT 3 – Higijenski materijal) za potrebe Ureda za reviziju institucija u Federaciji Bosne i Hercegovine za budžetsku 2022. godinu.

Obavještenje o javnoj nabavci broj: 296-7-1-10-3-4/22 objavljeno je na Portalu javnih nabavki 19. 1. 2022. godine.

Postupak je provela Komisija imenovana Rješenjem generalnog revizora broj: 12-11-15-3363-1/21 od 12. 1. 2022. godine, koja je sačinila: Zapisnik o zaprimanju ponuda broj: 12-11-15-3363-8/21 od 9. 2. 2022. godine, Zapisnik o otvaranju ponuda od 9. 2. 2022. godine, Analitički prikaz traženih i dostavljenih dokumenata-Kvalifikacija ponuđača broj: 12-11-15-3363-9/21 od 11. 2. 2022. godine, Zapisnik o pregledu i ocjeni ponuda broj: 12-11-15-3363-10/21 od 21. 2. 2022. godine. U predmetnom postupku nabavke i nadmetanju, Ugovornom organu tri ponuđača su dostavila ponude, i to za LOT 1 – R&S d.o.o. Sarajevo i SVJETLOSTKOMERC d.d. Sarajevo, za LOT 2 - R&S d.o.o. Sarajevo i za LOT 3 – CONVERT d.o.o. Sarajevo i R&S d.o.o. Sarajevo.

U postupku pregleda i ocjene ponuda utvrđeno je:

„Ponuda ponuđača Convert d.o.o. Sarajevo za LOT 3 nije prihvatljiva jer ponuđač nije dostavio izjave iz tačke 7.10. i 7.11 Tenderske dokumentacije koje shodno tački 7. Tenderske dokumentacije ponuda treba da sadrži. Tačkom 7.10. zahtijevana je: „Izjava ponuđača da će isporučiti robu kvaliteta i karakteristika traženih u tehničkoj specifikaciji Aneksa III, nakon dodjele ugovora sukcesivno u skladu sa potrebama ugovornog organa. Za pojedinačno naručene količine, isporuka odmah po zaprimanju narudžbenice, a najkasnije u roku od pet dana“.

Tačkom 7.11. zahtijevana je: „Izjava ponuđača da prihvata rok plaćanja do 60 dana nakon prijema ispravne fakture za isporučenu robu u skladu sa zahtjevima iz tenderske dokumentacije, putem Jedinstvenog računa trezora – Federalnog ministarstva financija/Federalnog ministarstva finansija“.

Ponuda ponuđača R&S d.o.o. Sarajevo nije prihvatljiva jer ponuđač:

- u ponudi za LOT 1, LOT 2 i LOT 3 nije dostavio izjavu iz tačke 7.11 Tenderske dokumentacije na način kako je to traženo Tenderskom dokumentacijom. Tačkom 7.11. zahtijevana je: „Izjava ponuđača da prihvata rok plaćanja do 60 dana nakon prijema ispravne fakture za isporučenu robu u skladu sa zahtjevima iz tenderske dokumentacije, putem Jedinstvenog računa trezora – Federalnog ministarstva financija/Federalnog ministarstva finansija“. Uvidom u ponude za LOT 1 (stranica ponude 24), za LOT 2 (stranica ponude 20) i za LOT 3 (stranica ponude 15) utvrđeno je da je u izjavama ponuđača navedeno: „Izjavljujemo da prihvatamo plaćanje u roku od 60 (šezdeset) dana od dana nakon ispostavljenog računa za isporučenu robu, putem Jedinstvenog računa trezora – Federalnog ministarstva financije/Federalnog ministarstva finansija.“
- u ponudi za LOT 1 nije dostavio uzorke za sve artikle koji se nabavljaju u okviru stavke 16. i 17. Aneksa III – Tehnička specifikacija za LOT 1. U okviru stavke 16. i 17. Aneksa III – Tehnička specifikacija za LOT 1 nabavljaju se rokovnici u srebrnoj, plavoj i crnoj boji a ponuđač je dostavio uzorke za stavku 16. u crnoj boji i za stavku 17. u plavoj boji što nije u skladu s tačkom 6.4. pod a) Tenderske dokumentacije kojim je, između ostaloga, zahtijevano: „Uzorci se dostavljaju prema zahtjevima traženim u Tehničkoj specifikaciji - Aneks III...“

Ponuda ponuđača Svjetlostkomerc d.d. Sarajevo za LOT 3 nije prihvatljiva jer ponuđač:

- u Aneksu I – Obrazac za cijenu ponude u koloni „Proizvođač/Zemlja porijekla“ nije naveo proizvođača ponuđene robe što nije u skladu s tačkom 2.2. Tenderske dokumentacije kojom je zahtijevano: „... Ponuđači su dužni dostaviti u cijelosti popunjen Obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena...“

Uzorci:

- nije dostavio spisak dostavljenih uzoraka,
- dostavljeni uzorci nisu označeni rednim brojem,
- nije dostavio uzorke za sve artikle koji se nabavljaju u okviru stavke 16. i 17. Aneksa III – Tehnička specifikacija za LOT 1. U okviru stavke 16. i 17. Aneksa III – Tehnička specifikacija za LOT 1 nabavljaju se rokovnici u srebrnoj, plavoj i crnoj boji a ponuđač je dostavio uzorke za stavku 16. u srebrnoj boji i za stavku 17. u crnoj boji. Navedeno nije u skladu s tačkom 6.4. pod a) Tenderske dokumentacije kojim je, između ostaloga, zahtijevano: „Uzorci se dostavljaju prema zahtjevima traženim u Tehničkoj specifikaciji - Aneks III. Ponuda treba da sadrži popis dostavljenih uzoraka i svaki uzorak treba biti označen rednim brojem stavke iz specifikacije...“

Nijedna ponuda nije prihvatljiva. “

Komisija je odgovornoj osobi ugovornog organa predložila da u skladu sa članom 69. stav (2) pod d) Zakona o javnim nabavkama poništi postupak javne nabavke kancelarijskog materijala za Lot 1, Lot 2, Lot 3, obzirom da nijedna od primljenih ponuda nije prihvatljiva.

Na prijedlog Komisije Ugovorni organ je donio odluku kao u dispozitivu.

#### **Pouka o pravnom lijeku:**

U skladu s članom 99. i 101. Zakona o javnim nabavkama, protiv ove odluke može se uložiti žalba u roku od 10 (deset) dana od dana zaprimanja.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, koji ne može biti manji od 3 (tri).

Dostavljeno:

- R&S d.o.o. Sarajevo
- CONVERT d.o.o. Sarajevo
- SVJETLOSTKOMERC d.d. Sarajevo
- ⓔ u spis predmeta nabavke
- a/a



**GENERALNI REVIZOR**

**Dževad Nekić**